

Madasii **Di mpátiri to tii náaanti**

Madasii wàri o pátiri kè dè mmòke yebie nsikousinàà (400) mièke nke kè Yesu né na kékatení. Ò do yóó náké de kó tináanti ke sá nKuyie ncíètè wète ke maámu kè bè wète ke feu iwũs Kuyie nku cíètè mièke, ke né wète ke bonke Kuyie nkó kuce, bá wè kòò fòu ò dómè. Kè benitibè sou nKuyie nnè be pãrè mièke, bá òmòu ténke í dake Kuyie nkuó kpéí. Kè Madasii nnáa nyikuó niùbè nè benitibè sòmbe ke tú bèe ceete, ké mbè dènni Kuyie mbè dómè, ke bè nàánnè múnke ku beénti kpéí.

Madasii do bè nàá nKuyie nyóó tōnnímè mme wèè bo náké ku náaanti (3:1) Kuyie mpããnáaanti náaantò Edii do nákémmè (3:23) Matie kó dipátiri nè Duku kperi Madasii náké dii nùu bomu ye mièke, dii tú: Isã-Batiisi do náámmè ke tú ò katení ke bo tũnte Yesu nwe kuce (Matie 17:11-13, Duku 1:17).

Di mpátiri náaanti duó ke dòmmè

1. Isidayeribe í banté Kuyie mbè dómè 1:1-5
2. Bè seimmè ikuó niùbè ke tú bè sènkèrì Kuyie nkè bè yetírì 1:6-2:9
3. Mecaàrimè Isidayeribe do caàrimè betòbè 2:10-16
4. Kuyie mpããnáaanti náaantò nákémmè Isã-Batiasi yóó katenímè kètũnte kuce kè Yesu né na kékatení 2:17-3:5
5. Isidayeribe dòmmè kéwètení Kuyie mborè nè dèè yóó dòò Yesu bo wètení dii yiè 3:6-23

¹ Di mpátírì ti náá ti Yiè nKuyie mbéinnè tìnti Madasii Isidayεεribe kpéí.

Kuyie nhōō tāātémè kù dós wè

² Μεμμε kè ti Yiè nKuyie mbéi nκε δò: N di dómu kè di né békú dimáà κε tú: Ba mbenkú ti Yiè Kuyie nti dómè? Dè í δò nhEsayuu weè kòtí Sakɔbaa? Nè memme kè n δoke Sakɔbu κε nii Esayuu. ³ Κε pònte o kó kutempè nkó yehékè κε duós nkè yè δούνκο, κε naá nsikpamós kó diārì. ⁴ Kè δè δò nhEdɔmmu èi kɔbe bo yĩ, bè mè nti pòntemè ti bo maá, kè bè maá m borè pònte, mí nKuyie Mpakedaa mĩ béi! M bo bè pònte kè bèe yú δε kó ketenkè κε δò: Meyei nhèi, m mieke péi bè sáá be èi. ⁵ Díndi Isidayεεribe kè dí δè yà, kébanté κε δò m mí ndi Yiè nKuyie n δευ κε í pĩ ndĩ máà kó yehékè mutɔmmú.

Ikuú niùbè cààrémè kè Kuyie mbè kpannè

⁶ Kè ti Yiè Kuyie Mpakedaa béinnè ikuú niùbè κε δò: Debire δ ndému δε cice kè kudaakù yìé nku yìè nkpeti. Kè n tu di cice δè né yĩme kè di í n dé? Kè n tu di yìè, δè né yĩme kè di í yíé n kpèti? Di n sènkèrimu κε né békú dimáà κε tú: Ti kù sènkèrì ba mmieke? ⁷ Dè yĩme kè di m pãa n ci δè, κε δè dakù n wũɔ̀t̀r̀è ìnkè? Di càari n yètìrì ndi, di wènté n wũɔ̀t̀r̀è nye detetirè. Κε né békú dimáà κε tú ti s̀ìnk̀unne òmmè botí ku wũɔ̀t̀r̀è? ⁸ Di n feu dìi m̀ònnì iwũ̀ ì ã inuɔ̀ nyìmáà ìmáà nè ì tu yekpĩè nnè ìi mɔ̀, di yèmmè δò nde wennimáà? Kè di yèmmè δò ndè wennimu dí δè pã di kóo kùmàndáà, ké nsà kè δè bo ò narike kòo dì cɔuté. Mí nKuyie Mpakedaa mĩ béi! ⁹ Di bo δòδ δεnde kó dimáà kédeè κε né nni nyu, mí nKuyie nκε tú n di kuó mmesémmè, kè n tì kèèà? Mí nKuyie Mpakedaa m báá tì kèè

bìtì! ¹⁰ Kòò mǎ̀ di miεε do nkpetínnè n cǐètè kó yebòrè dè na ntǔmu, kè di bá ncóunko n wũ̀stǎnni detetirè. N di wúó ndè í n naati, nyí cǎú di m pǎã nyèè pǎrè ketíεε. ¹¹ Titentì timǎu duómè n yètìrì feímu tipíitì timǎu. Kè bè m pǎã nyepǎrè sààyè, ke n tuò ntihúúntì. Mí nKuyie Mpakεdaa n yètìrì feímu titentì timǎu miεε. ¹² Kè díndi né caàri n yètìrì kè di yemmè dò n kó diwũ̀stǎnni tu cénkoo kperi, kè di bo na kédáá ndì ìnkè di cénke nìnte dè. ¹³ Kè dè di dǎnnè muwērímú. Di sènkèrimu mí nKuyie Mpakεdaa, ke m pǎã nyiwũ̀ di yùúkú ì yoo ì tú yekpǐè, yoo ì mǎ. Mí ndi Yiè nKuyie m báá cǎuté de kó yepǎrè. ¹⁴ Di yuukumu díndi bèè ã mmǎke iwũ̀ sààyì di dò nké m pǎ ì ke né n féuté fèè ã kuyènkù. Dè yembè díndi di bo yà. N tú okpààti diewè nwe, kè yebotè yemǎu yé n kpéi. Mí ndi Yiè nKuyie Mpakεdaa mǐ búi.

2

Kuyie ndómè bè mpǐ nku tǎmmú kè dè wenni

¹ Kè Kuyie mbúi nke dò: N náánnè dímbè ikuó niùbè. ² Kè di í kènté n náá ntì, kè di í yie nke dèúkùnnè n yètìrì, m bo duó nkè mɛyɛi ndi do, di bo pàà mɛsàà nke yé òmǎ̀ ì bomè di miεε wèè ǎ̀ n náàntì o yemmè miεε. Mí ndi Yiè nKuyie Mpakεdaa mǐ búi! ³ M bo di kei n cǐètè tǎmmú, ké di úútì di wũ̀ di n feu ì kó tipiti di ìkkè, kè bè di wènnénè ti kékáúté. ⁴ De mǎnni kè dí banté ke dò m mí nKuyie Mpakεdaa n di kpànnè kè dè bo yie nkè metaummè n do dǎnnèmè Defii nè o yaábí kè mɛè báá tǎte. ⁵ Nè de kó metaummè miεε nke n do bè duómè mufòmму nè diwèi kè bè nni ndé, ke yíé n

nni mpãã nyepãrè ikuó yẽmmè. ⁴ De m̀nni k̀ ti Yiè nKuyie ncouté Sudaa k̀be nè Isidayeeribe kó yepãrè k̀ do yè c̀ú m̀è botí nè dim̀nni, yebie nketiyè mieke. ⁵ De m̀nni mí ndi Yiè nKuyie Mpackedaa m bo ndi kómmú kébekénè betediibè nè bèè d̀uti d̀utinè betòbè nè bèè ò mparikunè n yètiri ke né sou, nè bèè í yieti be kó betòmbè be díítí nè bekúpobè nè iciribí kperè nè bèè f̀ũnko bepòbè bá bè í n dé mí ndi Yiè nKuyie Mpackedaa.

Isidayeeribe dòmmè kéw̃tení be Yiè nKuyie mborè

⁶ K̀ ti Yiè nKuyie mbéi nke d̀: Mí ndi Yiè nKuyie n yí c̀ète, di me nyí yóu di bo ntúmè Sakòbu yaábí. ⁷ Nè di yembè do bomè mme di b̀tinnémè n tié ke í ì tũ, w̃tenení m borè k̀ m múnke w̃too di borè. Mí ndi Yiè nKuyie Mpackedaa m̀ bí! K̀ di né békú dimàà ke tú: Ti bo w̃too òmme botí ku borè? ⁸ Nte m múnke yóó di beke t̀, onit̀ bo na k̀souté mí nKuyie nnaà? K̀ de yẽmmè di bo yí: Nè ba mmiéke nke ti da sóummè? Di m̀ke dè demou kó depíndè di dò nké nni n duò ndè. Nè di dò nké nni mpãã nyèè pãrè, deè mieke nke di n sóummè. ⁹ Meyei ndi do, kubotí kumou n sou mmèè k̀péi nke. ¹⁰ T̀nni dèè kó dimàà tú depíndè kéãnné n c̀ètè mieke k̀ dèe yie nke n c̀ètè mm̀ke tidiiti. N yáákénè k̀yà k̀nsà k̀ m báá kpeté iwetibori, k̀cũũnko k̀ĩnkè kó mesàà nkè mèè píe. Mí nKuyie Mpackedaa m̀ bí! ¹¹ K̀ nsà k̀ m báá beti yecádúò mbá yè ténke bá ncáá ndi diiti, k̀ f̀inyĩ kó detie mpeité. ¹² K̀ yebotè yemou ndi tú diwèi yembè, ke yé di tenkè kó mekàrimè yó nnaatimè. Mí ndi Yiè nKuyie Mpackedaa m̀ bí!

Bèè tũ nKuyie nnè timóm̄m̄nti bè yóó yàmè mucóntimu

¹³ Kè ti Yiè nKuyie mbéi nke dò: Di náá ntì ti kpéí ntì tu tipocēm̄m̄n̄áāntì nti, kè di né békú dimáá ke tú: Ti kù cēnnénè ònti? ¹⁴ Dîi baa náá nke tú: Kàa tũ nKuyie, detetirè nde, kàa tũ nku tannò dè í m̄oke mucóntimu mamù, kè di nù nkōmmú yedabùò m mí nKuyie Mpakēdaa n yìikè bá di í yà mucóntimu mamù. ¹⁵ Kè sip̄ōo yembè bèè né bo kè dè bè naati, kè bed̄on̄nibè kper̄e yíé mbá kè bè wēñté mí nKuyie ndēmarè báá bè d̄ò.

¹⁶ Bèè n dé bèè náá mm̄em̄me kè n kèè bè nàámmè ke duó nkè bè w̄ari be yètè bemb̄e bèè n dé ke yé n kpéí. ¹⁷ M̄em̄me mí ndi Yiè nKuyie Mpakēdaa m béimmè ke d̄ò: M bàátí dii yìé kpéí ndi bo tūoke dii yìé, bè bo ntú n k̄obe kè m bè te. M bo mbè m̄òkenè mesém̄m̄e, on̄itì ò mm̄òkenèm̄e o bir̄e dèè p̄i n̄ho t̄ommú mesém̄m̄e. ¹⁸ De yìé di bo yà mebatimè m̄èè bo beȳibe nè besààbè be cuokè, wèè p̄i n t̄ommú nè wèè í mù p̄i m̄be cuokè. ¹⁹ De yìé k̄erínímu ke yó ntònni diònni kó muh̄áá nkōme. De yìé meyei nd̄òr̄ibè nè sip̄ōo yembè bè bo cúté timúkpeti kōme páíí, bè c̄iē nnè be f̄ãt̄i bá d̄em̄arè bá nsúó. Mí di Yiè nKuyie Mpakēdaa m̄i béi! ²⁰ Díndi bèè n dé, de yìé m bo di d̄ò d̄èè s̄iè kè m̄ed̄et̄im̄e kó diwennéc̄ann̄i di mííté, kè di mīek̄un̄ne kè dí m̄puu yenaadap̄à mbè p̄it̄é yè ke f̄īnko ye kōme. ²¹ De yìé di bo n̄au beȳibe kè bèè náá m̄mut̄áá. Mí ndi Yiè nKuyie Mpakēdaa m̄i bàátí de kó diyìé kpéí.

Edii yóó w̄etenímè

²² Di báá yè nkóo tǎntì Mǎyiisi di duó nyìi kuó kpéí. Ntũnnè n tannò nè n tié n do ò duó ndè Ɔdebu tǎrì ñnkè Isidayeeribe dimou di kpéí.

²³ N yóó niité kéduónko m pǎãnáaantì náaantò Edii nwe kè diyìè dierì dǐi duò tikǎmbùdǐi kè dǐi né na kétuakení. ²⁴ Weè yóó wǎete kétau nyibí nè i cicebè kétau mbèè tu ibí cicebè nè be bí, kè dèe yie nkè m bá nkeróo képoté di kó dihèi dimou páíí.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16